



Minggu, 01 Desember 2024
Ogen: Maleaki 3:1



PersuruhanKu



Persuruhan entah pe suruh-suruhan, kata si mekatep ibelasken i bas dahin pelayanen Gereja. Sada jabaten si meteruk dingen iendeskenna dirina guna ngelakoken entah ngelai tuanna. Gelunna guna mpehaga dingen erbahanca termulia tuanna. Ise kin persuruhan Tuhan e janah kai kin si idahikenna?

Perpulangan si elai nabi Maleaki enggo nggeluh i bas kubang dosa. Lanai ngergaken kerna persembahen, la ngergaken perjabun dingen enggo latih niakap Tuhan ibahanna. I bas perbahanenna si salah pe igejapkenna labo salahna (2:17). Tupung lit kalak jahat ikatakenna maka i mata Tuhan si e mehuli, tentuna si enda nuriken maka turah pengangkanna maka jahat e bujur i bas mata Tuhan. Entah enggo ikut ncedai gelar Tuhan alu ngatakan jahat e pe mehuli. Istilah si usur si begi *membenarkan yang salah, dan membiasakan yang salah*. Erdandanken si e isuruh Tuhan me persuruhenna guna ngelurusken pengangkan si salah e. Persuruhan e mpesikap dalam man Tuhan dingen ermomo kerna perpadanen Tuhan. Sabap kerehen Tuhan e la tertentukan manusia waktuna, janah persuruhan e me si mpesikap kerina sope langa reh Tuhan e. Adi nulih kita ku bas kecibal kegeluhen si genduari, maka tuhu melala nge situasi si bagenda si idah ras sialaken. Ise ndia persuruhan si isuruh Dibata e? Kita kap e, kita kap aron Dibata. Enggo melala Kata Dibata si orati, genduari isuruhNa kita guna momokenca man kalak sideban gelah ersikap, maka Dibata e reh me. Kerehen Dibata e rempet, emaka begiken kata persuruhan dingen ngeluhlah i bas kepatuhen man Dibata.

☞ *Kai pe sidahiken ingetlah maka kita kap persuruhan Tuhan*